

Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

§. 5. Quomodo ad extremum supplicium disponendi & animandi sint
Captivi.

[urn:nbn:de:hbz:466:1-48248](#)

DEUM, qui fidelis est, & neminem tentari, aut onerari lora vires patitur, ipsis perinde, ac olim SS. Martyribus adstitutis auxilio suo, effecturumque, ut magna cum animi æquitas, constantiaque id omne, quod per Magistratum decreturus est, sustinere possint, id quod ipsi haud dubie in pluribus, extremo supplicio affectis nō semel factū viderint. §. Meminisse quoque ipsos jubeat, quodcunq; supplicium decernendum sit, brevissimo tempore absolvit, atque adeò æquissimo, imò & hilari animo tolerandū esse, si cum æterno & inexplicabili supplicio comparetur, quod propter peccata sua in inferno sustinere debuissent, si Deus ipsos perinde, ut alios ejusmodi Peccatores, vel statim post peccatum ex hac vita avocasset, vel in statu peccati obduratos discedere permisisset. Certè si illis, qui nunc omnino peccata in inferno cruciantur, hæc gratia fieret, ut in hanc vitam redire, suaque delicta commeritis suppliciis expiare possent, promptissimis, lætissimisque animis universis, quæ ullus unquam reus sustinuerit, supplicia toleratu-

§. V.

Quomodo ad extremum supplicium disponendi & animandi sint Captivi.

Quantopere conniti debeat Operarius, ut hoc in negotio munus suum accurate impleat, tam ex ijs, quæ sequenti capite §. 1. dicentur, colligi potest; tum verò etiam ex eo patet, quod, cùm ingens plerumque Populi multitudo ad talia Reorum supplicia concurrat, tot Arbitros ac Testes sux in hoc officio peritiae, charitatisque sit habiturus, quot Spectatores & Auditores numeraverit. Porro cùm aliqua sint, quæ circa ejusmodi Reos ante sententiam mortis, aliqua post illam, aliqua demum post ipsam Rei mortem observanda sunt, placetilla majoris claritatis & ordinis gratiâ sub distinctis titulis proponere, ita tamen, ut prius moneam Lectorem, cum comedere ferè sit Reorum ad extremum supplicium damnatorum, atque ægrorum in lecto morientium quoad dispositionem & animationem conditio, ideo pleraque, quæ sequentii capitulo de ægro ad Confessionem, & S. Viaticum disponendo, & per adhortationibus, suspiriisque excitando, atque ad ultimam denique luctam animando dicentur, etiam in hac occasione circa Captivos cum debita proportione observanda esse.

ME

M E M B R U M I.

Quid ante sententiam fatalem sit observandum
Operatio circa Captivos.

I. Ante sententiam visendi erunt frequenter, cum plerumque varijs temptationibus agitentur, & ex altera parte pluribus criminum vinculis impliciti, rudesque rerum piarum, & saepe etiam obstinati sint. Proderit ergo prius totum statum Rei cognoscere, & tum ad seriam pœnitentiam disponere.

II. Curret, ut ob suum Zelum, aptas datas doctrinas, exempla vita habeatur à Reo in magno honore, ut tanto potius facilius ei se aperiat; si enim ignotus accedat, tiniendum est, ne minus feliciter negotium succedat, & Confessarium Reus semper suspectum habeat.

III. Ante latam sententiam non expedit ejus audire Confessionem, ne timore supplicij peccatum reticeat. Hoc tamen interea ad recitationem Rosarij, aut aliarum precium; subministret pios libellos: suadeat præparationem ad confessionem generalem: doceat, quâ ratione se manè & veperi DEO commendare debeat, quomodo saltem animo adesse divino Sacrificio, quâ ratione in voluntatem DEI se resignare, quomodo Animarum purgatorij meminisse, & consideratione vel cœlestium gaudiorum, vel inferorum crudelium se solari possit.

IV. Non recipiat in se vitæ servandæ aut supplicij revertendi patrocinium, quia sic Reum non posset tam commodè disponere ad seriam pœnitentiam, accuratamque confessionem; semper enim Reus haberet spem vitæ à Confessione obtinendæ; quod si hæc spe cadat, abalienaretur ab eodem, utpote qui causam suam non bene egerit. Poterit tamen in genere promitrere, se nihil omissurum, quod in illius commodum cedere possit; quia tamen Justitiæ cursus suus relinquendus, & Magistratus tum propter obligationem, quam habet, sclera puniendi; tum propter maturam considerationem, quam in hujusmodi causis adhibet, non facile mutat sententiam, ideo suadere se dicat, ut in divinam voluntatem se penitus resignet, & quod prævisa tela minus feriant, ad

N - 2

quam-

quamcunque sententiam de manu Judicis non aliter atque
manu ipsius DEI accipiendam se præparet.

V. Adhortetur illum sedulò, ut hoc tempore à DEO in
subsidiū animæ concessu utatur serio, sæpius eliciat actum
contritionis (quem in fine , si rudit sit reus , proderit con-
tritus verbis præire, aut quærere ex ipso, num doleat de pec-
catis, eò quod DEVM velut summum bonum super omnia
se dilectum tam graviter offenderit) imitetur SS. pœnitentes , ut Latronem in cruce , S. Mariam Magdalenam &c.
quorum historias proderit recensere : suadeat insuper, ut in-
commoda, quæ justitia injungit, DEO offerat pro peccatis
suis, Christi doloribus uniat, pro animabus purgantibus pa-
nas suas, aut certè pro proprijs peccatis offerat.

M E M B R U M II.

**Quid post latam sententiam sit obser-
vandum .**

I. Cùm hoc in articulo versetur cardo salutis, Operatio
DEVM sibi & DEO placare , omni, quo potest, modo
studeat, orationibus, pœnitentijs, & subsidio spirituali ab alijs
etiam expedito.

II. Ante omnia disponat Reum ad sententiam justitiae
æquo animo suscipiendam ; ipse verò Reo non significet sen-
tentiam, sed per Ministros justitiæ significari curet, ex qui-
bus ubi eam intellexerit, tum primum conetur eum potentia-
bus argumentis ad patientiam & resignationem excitare ; in-
ter quæ argumenta primarium jure merito locum habet Chri-
sti patientis exemplum, quod proinde assiduò ipsi ob oculos
ponendum est, perque illud omnes tentationes, quæ, sive ex
genere, sive causa, sive aliis circumstantiis mortis decrete
oriuntur, solvendæ. Proximum ab hoc locum habet SS.
Exemplum, maximè eorum, qui simili genere mortis obie-
runt, aut qui imbecillitatem sexus fortitudine sua superarunt:
horum ergo velut agmen obiciendum est Rei animo, simili-
que illa S. Augustino olim facta admonitio adjicienda : po-
tuerunt isti & istæ , & tu non poteris ? Vehementer etiam ad
leniendum Rei dolorem prodest, si singularis DEI erga ipsum
bonitas clarè demonstretur, quâ ei gratiam fecit, quam Mau-
ritius

titius Imperator olim pro speciali beneficio habuit (dum sci-
llicet illi optio facta est, commissum scelus in hac aut altera
via luendi) & multis milibus hominum sceleratorum Deus
non concessit, utpote quos misera & improvisa morte in sce-
leribus obire permisit. Hortetur ergo, ut pro tanto favore
non tam verbis, quam ipso opere gratum sese exhibere cone-
nit Reus, atque ad mortem fortiter subeundam tantò accu-
tatiū se disponere studeat, quantò plura & efficaciora ipsi me-
dia DEVS ad hunc finem concessit, puta plenum rationis u-
sum, carentiam dolorum corporis, præsentiam & adhortatio-
nem continuam Sacerdotis, præscientiam horæ mortis, ago-
nis brevitatem, & similia, quæ proin paulò clariùs ei expli-
canda sunt. Tandem plurimum conducet, bene explicare,
quam terribilem sententiam, coram quanta multitudine au-
dere, quam gravia, eaque æterna tormenta sustinere debeant
damnati, quæ & ipse promeritus quidem fuisse, sed nunc in
mihiorem mutata sunt pœnam. Fortiter ergo sustineat illam,
gratiásque DEO agat, quod tam clementer cum illo proce-
dat; exclamat proin cum S. Augustino: *Domine hic ure, hic
fica, modo parcus in æternum.* Non sunt condignæ passiones
hujus temporis ad damnatorum pœnam, quæ revelata est
nobis.

III. Ante omnia Confessionis & Evcharistiae Sacra-
menta rite suscipienda erunt. Pro Confessione autem hæc no-
tanda sunt ex Laymanno lib. 8. Tract. 6. c. 5. Primum. Se-
cundum probabiliorem sententiam reum non esse obligatum
ad manifestandum crimen morte vel mutilatione dignum, si
intelligat, illud plenè probari non posse. Secundum, post
latam à Judice sententiam desinere in Reo obligationem
confrendi criminis, quod antè, quamvis injustè, negarāt, quia
facto iudicio finitur etiam obligatio Rei. Tertium est,
Reum ad vitanda gravia tormenta posse sine peccato crimen
iam capitale sibi imponere, quia vita non est digna, ut tan-
to dolore servari debeat; immò posse etiam jurare æquivocan-
do, docent teste Diana p. 3. tr. 5. ref. 7. communiter Docto-
res cum Navar. hinc absolvī potest. Quartum, si notetur
eum in tortura, vel alias detulisse innocentem, obligari ipsum
debere ad restitutionem famæ, maximè si innocentibus dela-
cis impenderet periculum vitæ. Quintum est, ipsam mor-

198 *De Captivorum Confortatione Apostolica.*

tem Reo in pœnam scelerum commissorum solere imponi, unde levis ipsi pœnitentia à Confessario imponi potest. Sextum est, enitendum esse Sacerdoti, ut, si Reus odium aliquid in Judicem aut partem adversam, aut testem habeat, il omne ex animo ejusdem evellere studeat.

IV. Si Confessarius satis manifestè intelligat, damnatum esse innocentem, ordinariè tacere debet, nec monere Judicem ob tres causas. Prima est, quia communiter fructus monebit, cum Judex secundum allegata procedat. Secunda est, si innotescat femel, tali modo Reum esse liberatum, timendum erit, ne alij sacrilegè crimen in confessione celent ob similem spem mortis evadendæ. Tertia est, quia si plorium Reorum Confessiones audiens dicat, hunc vel illum esse innocentem, de reliquis verò taceat, Judex colliget, reliquos esse reos, & crimen esse confessos.

V. Reo per Confessionem expiato, & SS. corpore Domini refecto præter Confessarium, & ejus socium non expedit plures cum eo conversari; ipsi verò de nulla re alia loquantur, nisi quæ ad salutem pertinet, omnem sermonem de amicis, parentibus &c. præscindentes.

VI. Ultra duas horas colloquium non protrahatur, ut quies utriusque detur ad respirandum; consulendum tamen habeat in re ipsius Rei voluntati & necessitatibus, qui, si exoptet tale colloquium produci, parendum erit. Ut verò fastidium caveretur, proderit cum eodem nunc de rebus pijs loqui, nunc recitare Rosarium, aut Litanias, aut alias preces; nunc familianter admonere, ut quiescat, se interim dicturum horas, & insuis orationibus fore ejusdem memorem; nunc Reo quasi dissimulato, cum adstantibus de rebus sacris loqui, recente accommodatas temporis historias, maximè de aliquibus Reis generosâ morte defunctis.

VII. Ultima nocte imminente admonebit Reum, ut dormiat, ne timor mortis imminentis hominem nimis debilitet, & indispositum reddat diei sequentis necessariis admonitionibus, & imparem doloribus exantlandis. Expedit autem dormienti adesse quandam, qui, si necesse sit, consolante queat, quia tunc magis crescunt tentationes & desolationes.

M E M

M E M B R U M III.

Quid circa ipsam productionem & supplicium
Rei sit observandum.

I. Lluscente fatali die prima sit cura Sacerdoti, ut formato
S. Crucis signo, & invocato in vota DEO, eidem dies illa
offeratur intentione optima; uniatur diei, quo Christus pas-
sus est; imploretur auxilium Sanctorum, præfertim Patrono-
rum, & illius, cuius nomen gerit Reus. Detur opera, ut con-
ficietur iterum, lucretur indulgentias, conformetur voluntas
cum divina, & alia exerceantur pieratis opera, usque dum
carcere educatur; solatio erit magno, si indicetur pro ejus fe-
lixi morte jam litatum DEO, pro anima vero denuo litan-
dum. Spondeat quoque Sacerdos, se rogaturum plures, maxi-
mè vero Spectatores post supplicium sumptum, ut pro eo
preces, & forte etiam indulgentias aliquas (maximè men-
struæ Communionis, ubi earum facultas est) offerre di-
gnentur.

II. Caveat, ne quidquam ad festinandam mortem pro-
ferat; immò interrogatus à fætallibus vel alijs, an omnia sint
absoluta respondeat, sui munera esse, cum Reo de animæ
salute agere, reliqua sui fori aut judicij non esse. Secundum
Vasquez tamen irregularitatem homicidij publici non in-
currunt personæ privatæ, sed tantum Ministri Justitiae.

III. Curet, ut, cum educitur Reus, ejusque scelera pu-
blicantur; item cum ducitur ad locum supplicij, atque ad eum
pervenitur, semper habeat preces commodas, quales peti pos-
sunt ex Trostbruny P. Vogleri & aliis, quamvis valde suafac-
tum, ut orationem Dominicam, & Salutationem Angelicam
cum Symbolo Apostolorum frequenter recitando præeat, &
subinde convenientes actus variarum virtutum immisceat.
Saepè etiam SS. Passionis mentionem faciat, atque in memo-
riam revocet, quomodo Christus raptus fuerit ad tribunalia,
eductus, crucifixus &c. suásque actiones uniat illius actio-
nibus.

IV. Cum fertur sententia decretoria, hortetur Reum, ut
cum humilitate & resignatione magna de justissima DEI
manu accipiat, rogetque DEUM ardentibus suspiriis & verbis
ferven-

200 *De Captivorum Confortatione Apostolica.*
ferventibus, ut intuitu hujus feralis sententiæ dignetur cum
sententia mortis æternæ liberare.

V. Cùm Reus ad mortem pergit, summopere curandum
est, ne oculis hoc illuc vagetur, obvios salutet, aut alloquatur
maximè amicos aut consanguineos, sed totis viribus in unam
animæ salutem incumbat. Si transeundum sit propter tem-
plum vel crucem, juvabit Christum vel sacram ædem incli-
nato capite, aut forsitan etiam flexo poplite venerari, & opem
gratiæ divinæ exposcere.

VI. Proderit in tam funesto itinere orare continuo;
quod ut siat suavius, nunc è libello preces recitentur, nunc
memoria, prout affectus dictaverit, actus virtutum eliciantur,
præsertim contritionis, fidei, spei, resignationis, invocationis,
&c. Sæpe tamen clamare non expedit, quia non raro magis
turbatur animus Rei, & quodam horrore percussunt vocifer-
tiones hujusmodi. Curet, ut manibus teneat crucem, circum-
ligatum sit rosarium, si quidem manus post tergum non sint
revinctæ, tum enim ipse crucem ferat, & sæpius offerat deoscu-
landam.

VII. Cùm in conspectum loci fatalis venerit, conetur
Reo adimere horrorem, vel minuere certè. Proderit exem-
plum S. Andreæ in memoriam revocare, & explicare, quo ani-
mo Christus montem Calvariae ascenderit. Juvabit etiam
frequenter tum repetere voces illas: *Fiat voluntas tua, sicut*
in cœlo & in terra: Domine, non quod ego volo, sed quod tu. Di-
mine, hic ure, hic seca; modò parcas in æternum. Etiam si occi-
rit me, in eo sperabo.

VIII. In ipso loco denuò & magno cum affectu inter-
roget, num animum aliquid cruciet, vel remordeat conscienciam?
num iterum confiteri velit? an alia quapiam tentatio-
ne impugnetur? adhortetur exquisitis verbis ad luctam ulti-
mam, in quâ si vîctor evadat, triumphatus sit in æternū. Ile-
rum quærat, num omnibus ignoverit? ingeminantur actus
contritionis, resignationis, virtutum Theologicarum, suadea-
tur osculum crucis, & ejusdem ad pectus amorosa appressio.

IX. Ut majori cum alacritate vel ictum, vel la-
queum recipiat, rursum pollicetur Operarius, se illius post
mortem memorem futurum; nec unquam desistat à cohorta-
tione ad patientiam. Curet, ut sæpe ingeminet SS. nomi-
na Je-

na JESUS, MARIA. Et, In manus tuas, Domine, commendando spiritum meum.

X. Si fur ad suspendium damnatus, dum scalas ascendit, cupiat confiteri, censet doctus quidam Theologus, Sacerdotem vel petere posse à Judge, ut eum rursus demittat, quia Confessarius respectu animæ in Reum jus habet fori interni; vel si nullus alias adsit modus, eminus eum absolvere posse propter datum signum confessionis.

XI. Quod si Reus omnino nunquam confiteri vellet, idem Doctor censet, ipsum posse invitum, & non confessum plecti, cum ex malitia & non tantum ex fragilitate in tale periculum se conjiciat. Tentanda tamen prius sunt omnia cum tali obstinato, & 1. Hortandus etiam flexis genibus, si opus erit ad curam animæ. 2. Recensendæ tragicæ historiæ impoenitentium, Inferorum poenæ. 3. Irato vultu discessus simulandus. 4. Alius Reus admonendus, ut illi meliora suadeat consilia. 5. Redeat Operarius, & excusat factum; ostendat spem sanioris mentis & consilij, paratum se sanguinem pro ipsius salute fundere, si fieri possit, & DEUS velit. 6. Si nihil hac proficiant, cum adstantibus pro eo orandum erit, & Reus monendus, ut idem faciat. 7. Si neque his aliquid proficiat, non desistat, sed in ipso etiam fatali loco eum suæ salutis admoneat.

M E M B R U M I V.

Quid post mortem Rei sit observandum.

I Postquam Reum vitâ excessisse judicaverit, hortetur circumstantes Spectatores, ut animam defuncti DEO secum commendent, ut, si quid expiandum adhuc illi de peccatis restiterit, id per infinitam suam misericordiam & passionem ac merita Filii sui, ac Domini nostri JESU CHRISTI condonare dignetur. Quod quidem hoc vel simili modo praestare poterit: Per dilecti Spectatores, spectatis agonem & luctam ultimam dilectissimi in Christo Fratris nostri N. cuius anima, nisi ob mortem tam pie & Christianè obitam merito speremus, ab Angelis in caelos fuisse deportata, quia ramen occula a nobis sunt admiranda Dei iudicia, ideo, ut si quid forte eidē adhuc in altera vita expiandum restabit, id per infinitam DEI misericordiam, meritaque copiosissima Christi Filii eius. & omnium Electorum

suorum relaxetur, omnes illius nomine obsecro, & obtestor, ut
cum animam illius omnipotenti DEO commendetis, & semelora-
tionem Dominicam, & Salutationem Angelicam recitatis. Qui-
bus dictis genuflectens dicere poterit clara voce preces ex pa-
scripto Ritualis Romani post egressum animæ dicendas, &
circa finem sequentis capituli ponendas, vel ipse etiam cum
Spectatoribus occultè Orationem Dominicam, & Salutatio-
nem Angelicam dicere, cäque finitâ clarè pronunciare pote-
rit sequentia verba: *Requiem aeternam dona ei, domine, & lux*
perpetua luceat ei.

II. Postquam ab oratione surrexerit, valde expedire vi-
detur, ut, quandoquidem tum animi Spectatorum ob supplicij
conspicti horrorem bene admodum dispositi creduntur, bre-
vem ad eos exhortatiunculam instituat, quâ eosdem univer-
sim ad timorem DEI ob tam amaros peccatorum fructus, spe-
ciatim verò Parentes ad bonam Filiorum educationem, Libe-
ros verò ad obedientiam Parentibus, & cultum Numini
præstandum exhortetur. Id quod hâc vel simili ratione pra-
stari posset: *Perdilecti Spectatores, exhibuisse opus Christiana*
pietatis, pro quo Defuncti nomine debitas vobis gratias perso-vo,
rogoque, ut etiam deinceps eundem in precibus vestris commenda-
tum habere non omissatis. De reliquo, quoniam ad hoc triste Spe-
ctaculum vos non curiositatis duntaxat gratiâ, sed fructus etiâ
spiritualis capiendi causa confluxisse credo, omnes vos in Domina
adhortor, ut, quam olim Philosophus quidam Sapientissimus Re-
gi cuiusdam suggesserat, doctrinam atque sententiam, hanc vos ha-
die à carissimo Fratre vestro modo pie in Domino defuncto ve-
bis commendatam credatis, nimirum nihil incipe, priusquam exi-
tum consideres. O si dilectus Frater noster, dum scelus, proprie-
quod modo supplicio extremo affectus est, patravit, hunc tam s-
marum illius exitum prius considerasset, profectò nunquam ad
tam fatale facinus manus suas extendisset. Vos ergo, dilecti, alie-
no damno, & exemplo resipiscite, & discitz, quod, ut DEUS per
Prophetam Ieremiam verissime dixit, malum & amarum sis-
fuerit, reliquise Dominum DEVM suum, & non fuisse timore
eius apud ipsum. In omnibus ergo operibus vestris memoramini
novissima vestra, & in aeternum non peccabitis. Alias si forte
ob malam educationem, vel societatem, vel consuetudinem
malam Reus ad scelus tantum perpetrandum inductus est (id
quod

quod ex ipso facile per colloquia ante mortem instituta intellegere licebit) poterit ex hac ipsa causa occasionem fructuosa exhortationis desumere, & in primis breviter narrare historiam de filio, qui, cum per scalas ad furcam ascenderet, Patrem ad se, quasi ultimum valedicturus, & secretum aliquod manifestatus vocavit, & accedenti aurem dentibus abscidit; et quod per ipsius indulgentiam hoc esset adductus. Inferat proinde Operarius, idem facturum fuisse nunc defunctum, si locios aut Parentes presentes habuisset. Hortetur proinde Parentes, ut correptioni Liberorum invigilent; Liberos, ut correptionem paternam recipient, omnes vero, ut malam societatem & consuetudinem fugiant, ne in similes culpas, infamiamque ac supplicia incident.

III. Denique, ubi domum regressus fuerit, in primis debitas DEO, Cœlitibusque gratias pro felici successu tam difficultatis functionis persolvat; subinde super actiones suas omnes cum Captivo suo suscepas se reflectat, ut, si quid minus dextrè a se peractum, vel certè minus prosperè cessisse adverterit, deinceps in simili casu emendare queat. Quod si vero aliunde cognoverit, aliquos in illo loco, in quo degit, sanguine vel cognitione Reo coniunctos habitare, magnæ caritatis opus prestabit, si eos invisere, solari, &c, quam Christianæ ac pie cognatus obierit, significare dignabitur, simulque admonebit, ut animæ illius in precibus suis saepius meminerint, saequare legi current, & aliis Christianæ caritatis operibus juvent.

CAPUT VI.

DE APOSTOLICA ÆGRORVM ET MORIBUNDORVM VISITATIONE.

Modum cum his agendi varij tradunt Authores, præcipue P. Joannes Polancus in Methodo moribundos adjuvandi; P. Georgius Voglerus in libro suo, quem *Trost-Brunn* seu Fontem consolationum inscripsit; P. Georgius Mentzius de arte patiendi & compatiendi; P. Philippus Servius in Amico Fidelis, sive modo juvandi moribundos. R. D. Georgius Pistius in libello, quem spiritualem Apothecam seu die *Geistliche Haush-Apothecken* vocavit, & plures alij, ex quibus tamen sunt taxata, quæ magis ad praxin quotidianam accommodata.